venus ranger à l'Isle pour se joindre aux Hurons qui deuoient descêdre vers les François. Trente familles auoient deffein de s'arrester auprés de ceux qui enseignent le chemin du Ciel. Il n'y auoit Sauuage qui ne fut chargé de pelteries pour achepter ses petits befoins aux magazins du païs. Vn Huron pris [50] depuis quelques années par les Hiroquois, s'estant fait Capitaine de ces voleurs, les a conduit au lieu où nous estions, ce qu'il a fait d'autant plus facilement, qu'il auoit vne tres-grande connoiffance de toutes ces contrées. Nos gens qui ne les attendoient pas furent bien estonnez quand ils les virent les armes en la main, ils firent au commencement quelque resistance: mais ayans veu d'abord trois de nos hommes à bas, tuez à coups d'arquebuses, ils prirent la fuitte; l'auarice empescha les Hiroquois de les poursuiure. Leurs yeux efbloüis par le grand nobre de castors que nous auions, les fit penfer au pillage, ce qui fauua la vie à quantité de monde: pour nous autres qui auions des enfans, nous fusmes bien-tost prises. disoient-elles, comme s'est passé nostre mal heur.

Outre ces dix perfonnes mises en liberté par ces huich Algonquins, vne Amazone prise auec les autres, s'est brauement sauuée des mains de ceux qui la tenoient captiue. Il y auoit desia dix jours que les Hiroquois la traisnoient auec les autres prisonniers; or quoy qu'elle fut liée par les deux pieds & par les deux mains à quatre [51] pieux sichez en terre, & disposez en croix de S. André; neantmoins elle prit resolution de se sauuer, sentant que les liens de l'vn de ses bras ne la pressoit pas trop, elle sit si bien qu'elle mit ce bras en liberté; ce bras libre destache bien-tost les cordes qui captiuoient le reste de son